

**13 AUGUST**  
**RUGACIUNEA 3**  
**SF. IERARH**  
**TIHON AL VORONEJULUI**

**Молитва**

О святителю, отче наш Тихоне! Услыши нас и потщися благоприятным твоим ходатайством умоли Господа, да пробавит Своя великия и богатая милости на нас, грешных и недостойных рабех Своих (имена), да уврачуует Своею благодатию неисцельныя язвы и струпы растленных душ и телес наших, да растворит окаменелая сердца наша слезами умиления и сокрушения о премногих согрешениях наших и да избавит ны от вечных мук и огня геенскаго, да дарует в нынешнем веце мир и тишину, здравие и спасение, да тако сподобимся, со Ангелы и со всеми святыми, славити и воспевати всесвятное имя Отца и Сына и Святаго Духа, во веки веков.